

## *ЖШС «Самғау» бөбекжай – балабақшасының*

### *Педагогикалық кеңес хаттамасы*

*№1*

31.08.2022ж.

Қатысқандар: 15

#### **Күн тәртібі:**

1. Балабақша бойынша 2022 – 2023 жаңа оқу жылына арналған жоспардағы өзгерістерді талқылап, бекіту.
2. Балабақшаның жазғы сауықтыру жұмыстарының қорытындысы.
3. Нормативті құжаттармен таныстыру.
4. Педагогтардың 2022 – 2023 оқу жылына арналған жұмыс жоспарларын бекіту, күн тәртібін, оқу жоспарларын, ұйымдастырылған іс – әрекет кестелерін бекіту.
5. №1 пед.кеңес шешімдері.

Тыңдалды:

Балабақша меңгерушісі К. Кыстаубаева жаңа оқу жылының басталуымен құттықтап өтті, биылғы жаңа оқу жылындағы өзгерістердің көп екенін атап өтіп, жаңа стандартпен бекітілген және де үлгілік оқу жоспарындағы өзгерістерге тоқталды. Биылғы оқу жылында бұрынғыдай сағат сандары болмайтынын, барлық іс- әрекеттер кіріктіріліп өтілетіндігі туралы айтты.

Оқу жоспарындағы өзгерістерге нақты тоқталып өтті. Барлық топ жаңа өзгерістермен танысып, басшылыққа алып, жұмыс бағытын өзгертіп, жұмыс жасау керектігін айтты.

Екінші мәселе бойынша балабақша әдіскері Р. Садықбекова сөз алып, жазғы сауықтыру жұмыстарына қорытынды жасады. Ол өз сөзінде ең бірінші біздің мақсатымыз балалардың денсаулығын шынықтыру мен қорғау болып табылатынын және жаз мезгілінде балалардың денсаулығын шынықтыру үшін түрлі шаралар өткізілгендігін атап өтті. Жаз мезгілінде балаларды таңертеңнен бастап таза ауада қабылдау, балаларға ауа, күн, су ванналарын қабылдау, дәрумендерге бай сусындар беру, балаларды жылы сумен шайындыру жүйелі түрде жүзеге асты, түрлі ойын – сауықтар: «Әкем, анам және мен» спорттық сайысы, «Дені саудың – жаны сау» спорттық көңіл көтеру, «Су патшасы – Сүлеймен» мерекесі, «Туған күн кештері» мерекелері атап өтілді, қорыта келе жаз мезгіліне жоспарланған іс – шаралар жүйелі өтіліп, іс – шара сценарийлері жинақталды деп сөзін аяқтады.



*ЖШС «Самғау» бөбекжай – балабақшасының*

*Педагогикалық кеңес хаттамасы*

*№ 2*

25.11.2022ж.

Қатысқандар: 15

Тақырыбы: «Балалардың шығармашылық дағдыларын, зерттеу іс – әрекетін дамыту»

Күн тәртібі:

1. №1 пед.кеңестің шешімдерінің орындалуы;
2. Балалардың жеке ерекшеліктерін ескере отырып, күн сайын ойын түрінде және мүсіндеу, музыка ұйымдастырылған іс – әрекеттері арқылы жүзеге асыру.
3. «Балабақшада сурет салуда дәстүрлі емес технологияларды қолдану»
4. Шебер – оқу іс - әрекеті: «Ермексазбен жұмыс істеу әдіс – тәсілі

Келесі педкеңеске тапсырма: «Қимылдық ойындар» картотекасын дайындау.

Тыңдалды:

Күн тәртібіндегі бірінші мәселе бойынша балабақша меңгерушісі К. Кыстаубаева сөз алып, өткен педагогикалық шешімдерінің орындалу барысына тоқталып, шешімдер түгелдей орындалғанын айтып өтті.

Келесі сөз тәрбиеші Г. Сарымамедоваға беріліп, ол өз іс тәжірибесін негізге ала отырып, «Балалардың жеке ерекшеліктерін ескере отырып, күн сайын ойын түрінде және мүсіндеу, музыка ұйымдастырылған іс – әрекеттері арқылы жүзеге асыру» атты баяндамасын оқып шықты. Тәрбиеші Г. Сарымамедова өз баяндамасында биылғы оқу жылынан бастап, әр сабақ уақытпен берілмегендігін, сондықтан ойын түрінде өтілгендігі тиімді нәтиже беретінін айтты, мысал келтіре отырып, «Қошақаным» әнін айтуды үйрете отырып, қозыны мүсіндедік деп қорытындылады. Баяндамашыға әріптестері сұрақтар қойып, нақты жауап ала білді. Жиналыс мүшелері бір ауыздан баяндаманы жақсы, өте құнда деп бағалады.

Келесі кезекте «Балабақшада сурет салуда дәстүрлі емес технологияларды қолдану» тақырыбында тәрбиешілер практикалық жұмыстар көрсетті, дәстүрден тыс сурет салудың бірнеше түрімен танысып, тәрбиешілер бір – бірімен тәжірибе алмасты.

Шебер – оқу іс – әрекеті: «Ермексазбен жұмыс істеу әдіс – тәсілі» атты шебер – оқу іс – әрекетінің ортаңғы топ тәрбиешілері көрсетіп, ермексазбен қалай жұмыс жасау жолдары туралы практикалық жұмыстар көрсетті. Тәрбиешілер бір – бірімен тәжірибе алмасып, қолданылған әдіс – тәсілдерді талқылады.

**Күн тәртібіндегі мәселелерді талқылай келе педагогикалық кеңес қаулы етеді:**

1. «Балалардың жеке ерекшеліктерін ескере отырып, күн сайын ойын түрінде және мүсіндеу, музыка ұйымдастырылған іс – әрекеттері арқылы жүзеге асыру» атты баяндама жоғары дәрежеде деп бағалансын.
2. «Балабақшада сурет салуды дәстүрлі емес технологияларды қолдану» атты тәрбиешілердің практикалық жұмыстарында қолданылған әдіс – тәсілдер жүйелі жұмыс практикаларына қолданылсын.
3. Ермексиз жұмыстарын жасау қанағаттанарлық деп есептелсін.
4. Келесі педагогикалық кеңеске қимылды ойындар картотекасы жасалсын.
5. Шешімдердің орындалуы әдіскер Р. Садықбековаға жүктелсін.

Төрайымы: \_\_\_\_\_

К. Кыстаубаева

Хатшы: \_\_\_\_\_

С. Нажапова



*ЖШС «Самғау» бөбекжай – балабақшасының*

*Педагогикалық кеңес хаттамасы*

*№ 3*

25.01.2023ж.

Қатысқандар: 15

Тақырыбы: «Физикалық қасиеттерді дамыту»

Күн тәртібі:

1. №2 пед.кеңестің шешімдерінің орындалуы.
2. «Денсаулық технологияларын тиімді пайдалану арқылы балалардың денсаулығын нығайту».
3. Балалардың бірінші жарты жылдықтағы денсаулық көрсеткіштері.
4. Үлгілік оқу бағдарламасы мазмұнын игеру бойынша аралық даму мониторингі.
5. Ағымдағы мәселелер, №3 педагогикалық кеңес шешімі.
6. Келесі педкеңеске тапсырма: өзіндік білімін жетілдіру тақырыптары бойынша папкалар, буклеттер дайындау, көрме ұйымдастыру.

Тындалды:

Жиналысты балабақша меңгеруші К. Кыстаубаева ашып беріп, өткен педагогикалық кеңес шешімдерінің орындалу барысын айтып өтті.

Келесі сөз балабақша тәрбиешісі Б. Рахманбердиеваға берілді, ол өз сөзінде бүгінгі баяндама тақырыбымен таныстырып, баяндамасын оқып шықты.

«Денсаулық технологияларын тиімді пайдалану арқылы балалардың денсаулығын нығайту» атты баяндамаға қояр сұрақтарыңыз бар ма? – деп әдіскер тәрбиешілерге ұсыныс тастады. Өз тарапынан баяндаманы әлі де толықтыру керектігін, тақырыпты толық аша алмағанын айтты. Бұл ұсынысты басқа да тәрбиешілер қолдады.

Келесі сөзді балабақша медбикесі Н. Валиева сөз алып, бірінші жарты жылдықтағы балалардың денсаулық көрсеткіштеріне талдау жасады. Балалар арасында жұқпалы, тері аурулары тіркелмегендігін, жедел респираторлы тұмаумен ауырған балалар да көп емес екендігін хабарлады.

Алтыншы мәселе бойынша әдіскер Р. Садықбекова аралық мониторинг нәтижесі жақсы екенін, тәрбиешілер мониторингті дер кезінде жасап, тімен және орташа деңгейдегі балалармен түзету шараларын жүргізу керектігін атап өтті.

**Күн тәртібіндегі мәселелерді талқылай келе педагогикалық кеңес қаулы етеді:**

1. №2 педкеңестің шешімдерінің орындалуы қанағаттанарлық деп есептелсін.
2. «Денсаулық технологияларын тиімді пайдалану арқылы балалардың денсаулығын нығайту» атты баяндама толықтырылып, түзетулер енгізілсін.
3. Балалардың бірінші жарты жылдықтағы денсаулық көрсеткіштері қанағаттанарлық деп есептелсін.
4. Үлгілік оқу бағдарламасы мазмұнын игеру бойынша аралық даму мониторингі бойынша балалардың даму карталары жасалынып, түзету шаралары жүргізілсін.
5. Ағымдағы мәселелер, №3 педкеңестің шешімінің орындалуы әдіскерге жүктелсін.

Төрайымы: \_\_\_\_\_

К. Кыстаубаева

Хатшы: \_\_\_\_\_

С. Нажапова



**ЖШС «Самғау» бөбекжай – балабақшасының**

**Педагогикалық кеңес хаттамасы**

**№ 4**

29.03.2023ж.

Қатысқандар: 15

Тақырыбы: «Танымдық және зияткерлік дағдыларды дамыту»

Күн тәртібі:

1. №3 педкеңестің шешімдерінің орындалуы.
2. «Бала тілі – бал» айдары. Кіші, ортаңғы топ тәрбиешілер шығармашылық қобдиша.
3. «Табиғат – ана» айдары. Ересек топ тәрбиешілері.
4. Ағымдағы мәселелер, №4 педкеңестің шешімі. Меңгеруші, әдіскер.

Тыңдалды:

Күн тәртібінде бірінші мәселе бойынша балабақша меңгерушісі К. Кыстаубаева сөз алып, өткен педагогикалық кеңес шешімдерінің орындалуына тоқталып өтті. Шешімдердің орындалғаны туралы мәлімдеме жасады. Келесі мәселе бойынша балалардың тілдік құзыреттілігін дамыту мақсатында «Бала тілі – бал» айдары бойынша жасаған жұмыстарымен таныстырды, балаларға арнап суретті кітапшалар, санамақ, ертегілер, дайындаған жұмыстарымен таныстырды.

Келесі мәселе бойынша ересек тобының тәрбиешілері «Табиғат – ана» айдары бойынша жасаған көрнекіліктерін таныстырды. Меңгеруші тәрбиешілердің жасаған жұмыстарын жоғары бағалап, балалардың жан – жақты дамуына ықпал жасап жатқандарына алғыс білдіріп, сөзін қорытындылады.

**Күн тәртібіндегі мәселелерді талқылай келе педагогикалық кеңес қаулы етеді:**

1. *№3 педкеңестің шешімдерінің орындалуы қанағаттанарлық деп танылсын.*
2. *«Бала тілі – бал» айдары бойынша балалардың тілін дамыту дағдыларын дамыту бойынша жұмыстар жүргізілсін.*
3. *«Табиғат – ана» айдары бойынша жұмыстар жүйелі жүргізілсін.*
4. *Ағымдағы мәселелер, №4 педкеңестің шешімдерін жүзеге асыру әдіскерге жүктелсін.*

Төрайымы: \_\_\_\_\_

К. Кыстаубаева

Хатшы: \_\_\_\_\_

С. Нажапова



**ЖШС «Самғау» бөбекжай – балабақшасының**

**Педагогикалық кеңес хаттамасы**

**№ 5**

29.05.2023ж.

Қатысқандар: 15

Тақырыбы: «2022 – 2023 оқу жылындағы балабақша жұмысының нәтижелілігі» оқу жылында жылдық міндеттемелердің орындалуы туралы

**Күн тәртібі:**

1. Өткен педагогикалық кеңестің шешімін талдау.
2. Біздің табыстарымыз туралы – топ тәрбиешілері мен мамандарының жыл бойы жүргізілген жұмысы жайлы таныстырымдық есебі.
3. Әдіскердің бір жыл ішінде істеген жұмысы жайлы есебі.
4. Жазғы сауықтыру кезеңіне жұмыс жоспарын бекіту.
5. №5 педкеңес шешімі.

**Тыңдалды:**

Күн тәртібіндегі мәселе бойынша балабақша меңгерушісі К. Кыстаубаева сөз алып, күн тәртібін таныстырып, өткен педагогикалық кеңестің орындалуына талдау жасады, шешімдер орындалғанын атап өтті.

Келесі кезекте топтәрбиешілерінің бір жыл бойы атқарған жұмыстарының есебін таныстырып өтті.

Үшінші мәселе бойынша әдіскер Р. Садықбекова сөз алып, жыл бойы балабақшадағы атқарылған жұмыстар есебін, соның ішінде аудандық тәжірибелік семинардың жоғарғы дәрежеде өтілгендігін, жыл бойы балабақша тәрбиешілерімен бірге нормативтік құжаттармен жұмыс жасалғандығын, балабақшаға балалардың толық қамтылуы үшін барлық жағдайлар жасалғандығын атап өтті.

Балабақша медбикесі Н. Валиева аурушандық деңгейіне толық талдау жасады. Келесі жаз мезгіліне жасалынған жұмыс жоспарымен таныстырды. Ондағы жоспарланған іс – шаралармен таныстырды.

**Күн тәртібіндегі мәселелерді талқылай келе педагогикалық кеңес қаулы етеді:**

1. *Өткен педагогикалық кеңестің шешімін орындалуы қанағаттанарлық деп есептелсін.*
2. *«Біздің табыстарымыз туралы» - топ тәрбиешілері мен мамандарының жыл бойы жүргізген жұмысы жайлы таныстырымдылық есебі қанағаттанарлық деп есептелсін.*

